

# JISŌS EAR NAAJDIK 5,000 ARMEJ; E PILAWĀ IN MOUR

Kōttōpar ko an katak in:

- Kwaļok bwe Anij e jouj.
- Kwaļok bwe Jisōs ej Anij, im E maroñ kōmman aolep men.
- Kwaļok bwe e jab emman ļoor Jisōs ñan bōk jeraamman.
- Kwaļok bwe Jisōs wōt e maroñ ļomḡoren armej im kabwe aikuj eo aer eļap.

Meļeļe ko reļap ilo katak in:

- Jen lo bwe jet armej rej jar im pād ilo kabuñ kōn jeraamman ko re maroñ loi.
- Jen lo bwe Jisōs ej Anij, im E kajoor.
- Jen lo bwe aikuj eo eļap an armej ej bwe ren mour indeeo.
- Jen lo bwe Jisōs wōt E maroñ kōmman bwe en jako ruōd im jen mour indeeo.

Jej aikuj bwe jen mōñā aolep raan. Ñe jejab mōñā innām jenaaj mej. Bōtab jekḡoḡon joñan ad mōñā, jenaaj mej juon raan.

Barāinwōt, je ļak mōñā innām men ko kijōd re maat. Jenaaj aikuj in bar wia im bar wia toun wōt ad mour. Ke Jisōs ear pād ioon laļ in, Ear kajerbal wan joñak in ke Ear katakin kōn mour indeeo. Ear ba bwe E Bread [pilawā] in Mour. Eļaññe je kōḡaan mour, jen mōñā aolep raan. Eļaññe je kōḡaan bwe jen mour indeeo, jenaaj aikuj bwe jen mōñā Bread in Mour. Emōj ke aḡ mōñā Bread in Mour? Ak ilo bar juon wāween ba, emōj ke aḡ bar ļotak? Emōj ke aḡ lōke Jisōs bwe en aḡ Ri Lomḡor? Ekwe, ilo katak in jenaaj katak kōn wāween ad mōñā Bread in Mour.

## 1. Elōñ armej raar ļoor Jisōs.



*Jon 6:1,2 Ālikin men kein, Jisōs ej ilok ñan lomalo jab uweo, lomalo in Galili, bar juon etan Taibiriōs. Im eļap jar rej ļoor E, bwe raar lo kakōļe ko An Ear kōmmani ñan ro raar nañinmej.*

Etke armej rein raar ļoor Jisōs? Raar ļoor E kōnke raar kile bwe er ri jerḡwiwi, im rej aikuj juon Ri Lomḡor ke? Jaab. Raar jab ļōmḡak kōn mour in jetōb. Raar ļōmḡak wōt kōn men in laļ in me re maroñ jeraamman kake.

Je ban jeraamman ļok kōn men ko an laļ in kōn ad ļoor Jisōs. Jisōs ear jab itok bwe en ḡa mweiiien armej. Ear itok bwe En letok men eo e kanooj ļap tokjān: joļok bōd.



*Jon 6:3,4 Im Jisōs ej wanlōñļok ioon toļ, im jijet ijo ippān ro rū kaļoran. Im e paak kwōjkwōj in kijoone, kwōjkwōj an ri Ju ro.*

Ilo kwōjkwōj in kijoone, ri Ju ro raar keememej boñ eo āliktata ke raar pād ilo Ijpt. Enjeļ in mej ear kijoone moko imweir kōnke



raar likūt bōtōktōken sip ioon biten kōjām ko. Anij ear jiroñ er bwe aolep year ren kōmman juon kwōjkwōj ñan keememej wāween An kar lōmoḡoren er jān mej. Jet iaan ri Ju ro raar itok jān ijo ettoḡok bwe ren lale kwōjkwōj in kijoone ilo Jerusalem.

Emōj an 1,400 year jān iien eo ke ro ri Israel raar ilōk jān Ijīpt. Etke bwijin ri Ju raar lale wōt kwōjkwōj eo? Ej kōn aer mool in tōmak ilo Anij im kattar Ri Lōmoḡor eo ke?

Jaab. Jet raar kōmmane kōn iminene. Jet raar kōmmane kōnke raar kōḡaan pokake kien Anij meñe raar jab tōmak E bwe er ri nana im aikuj juon Ri Lōmoḡor. Ak jet raar kōmmane kōnke raar kōḡaan pokake, im raar errā ippān Anij bwe er ri nana im rej aikuj juon Ri Lōmoḡor. Im kiiō, emōj an Anij kajejjet kallimur eo An im jilkintok Ri Lōmoḡor eo.

## 2. Ʊalem pilawā im ruo ek.



*Jon 6:5-7 Im ke Jisōs ej reiḡok, im lo eḡap jar rej itok ñan E, E ba ñan Pilip, “Je naaj wiaik pilawā jān ia, bwe rein ren mōñā?” [6] Im E ba men in bwe En mālejoñ e; bwe E make jeḡā men eo Enaaj kōmmane. [7] Pilip e uwaak E, “Rūbukwi sillīñ kōn wia pilawā e jab bwe kōn er, bwe jabdewōt iaer en bōk jidik.”*

Emōj an Jisōs pepe ta eo Enaaj kōmmane. Unin An kajjitōk ippān Pilip ej bwe En lale uwaak ko an. Emōj ke an Pilip lo jet men in kabwilōñlōñ ko me Jisōs ear kōmmani? Aet, im en kar tōmak Jisōs. Pilip im ro rū kaḡoran Jisōs raar bane naajdik armej rein.




*Jon 6:8,9 Juon iaan rū kaḡoran, Andru jaten Saimōn Piter, e ba ñan E, “Juon Ʊaddik ijin, Ʊalem pilawā barli ippān, im ruo ek; a ewi tokjān men kein ippān elōñ armej?”*

## 3. Jisōs ear naajdik 5,000 armej.

- \* **Jisōs ej Anij.**
- \* **Anij e kajoor jān aolep.**



*Jon 6:10-13 Jisōs e ba, “Kōmwin kajijet armej ran.” Im elōñ wūjooj ijo. Innām armej rej jījet, bwinier nañin Ʊalem tōujin. [11] Im Jisōs ej bōk pilawā ko; im ke emōj An jar, Ej ajej ñan ro rej jījet; im barāinwōt ek ko āinwōt aer kōḡaki. [12] Ke re mat, E ba ñan ro rū kaḡoran, “Kōmwin aini mōttan ko re bwe, bwe ejjeḡok iaer en jako.” [13] Innām rej aini, im rej kalōñ joñoul im ruo iep kōn mōttan ko re bwe jān Ʊalem pilawā barli, rej pād wōt ippāer mōjen aer mōñā.*



Men ko im armej re bani, Anij e maroñ kōmmane. Ke Jisōs ear ajej pilawā im ek, raar orḡok wōt. Kwō maroñ ke naajdik aolep armej ilo wato eo aḡ kōn juon wōt sandwich? Kwō ban. Jisōs ear maroñ in kōmman men in bwe E Anij.

## 4. Ʊōmḡak eo an armej ro.



*Jon 6:14 Im armej raḡ ke raar lo kakōļle eo Jisōs ear kōmmane, re ba, “E ḡool E in ri kanaan eo ej itok ḡan laļ.”*

Armej ro raar kōḡaan koutiej Jisōs. Raar ļōmḡak bwe E armej eo me Anij Ear kallimur kake bwe En itok. Bōtab raar jab kile bwe rej aikuļ E ḡan ļomḡoren er jān aer jerḡwiwi. Men eo wōt, raar kōḡaan bwe En aer kiiḡ bwe en leļok ḡan er ḡōḡā im dān im bwe En ļomḡoren er jān ro ri Rom.



*Jon 6:15 Innām ke Jisōs e jeļā, bwe re kōḡaan itok im bōk E kōn kajoor, im kōmman bwe En kiiḡ, E bar make ilok ḡan toļ.*

## 5. Jisōs ear etetal ioon dān.



*Jon 6:16-21 Im ke e jota, ro rū kaļoran rej wanlaļ ḡan loḡalo, [17] Im uwe ioon wa, im rej ilok ioon loḡalo ḡan Kaperneum. Im iien in e marok, im Jisōs e jaḡiḡ itok ḡan ippāer. [18] Im e poktak loḡalo kōn an ļap kōto ej uuki. [19] Innām ke eḡōj aer aḡḡōḡok jilu ak emān ḡaiļ, rej lo Jisōs etetal ioon loḡalo, im kepaak wa; im rej lōļḡōḡ. [20] A E ba ḡan er, “ḡa E; koḡwin jab lōļḡōḡ.” [21] Innām re kōḡaan bōk E ioon wa; im e ḡōkaj an wa tōkeak i āne rej ilok ḡan e.*

Elōḡ men armej re maroḡ kōmmane, ak re jab maroḡ etetal ioon dān. Jisōs ear kōmman ļojet eo, im kōn men in, e jab pen bwe En etetal ioon.

## 5. Armej ro raar pukot Jisōs.



*Jon 6:22-26 Raan eo ilju, ke armej, ro raar jutak ioon āne i reear in loḡalo, rej lo eļjeļok bar juon wa ijo, a juon wōt, im Jisōs ear jab uwe ippān ro rū kaļoran ioon wa eo, a rū kaļoran raar make uwe; [23] (A bar jet wa raar tartok jān Taibiriōs e paak āne ijo raar ḡōḡā pilawā, ke eḡōj an Jisōs jar.) [24] Innām ke armej rej lo bwe Jisōs e jab pād ijo, im jab ro rū kaļoran; rej barāinwōt uwe ioon wa ko, im itok ḡan Kaperneum, im pukot Jisōs. [25] Im ke eḡōj aer lo E i loḡalo jab uweo, re ba ḡan E, “Rabbai, Kwaar itok ḡan ijin ḡāāt?” [26] Jisōs e uwaak er im ba, “E ḡool, e ḡool, Ij ba ḡan koḡ, Koḡij pukot Eō, jab bwe koḡ ar lo kakōļle ko, a bwe koḡ ar ḡōḡā pilawā ko im ar mat.”*

### \* Anij e jeļā men otemjej.

Jisōs ear jeļā ļōmḡak ko an armej rein. Ear jeļā unin aer pukot E ilo ḡool.

Anij e jeļā aolep ļōmḡak ko ad. E jeļā eļāḡḡe je jab errā Ippān im eļāḡḡe je jab ḡōḡōḡ in pokake Naan ko An. E jeļā unin ad kōmman aolep men im eļāḡḡe jej kile bwe jej aikuļ E bwe En ad Ri Lomḡor.

## 6. Jisōs, Bread in Mour.



*Jon 6:27 “Koḡwin jab jermal kōn ḡōḡā eo ej jako, a kōn ḡōḡā e naaj pād wōt ḡan mour indeeo, men eo Nejin armej Enaaj lewōj ḡan koḡ; bwe Anij Jema Ear sil E.”*

Jisōs e jab ba bwe e nana jermal bwe jen bōk kijōd. Ear ba bwe armej ren jab ļōmḡak wōt kōn bōk men ko rej aikuļi ilo laļ in. Ren barāinwōt pukot bwe ren lale bwe en wor mour indeeo ippaer. Ren lo

aorōken bōk “mōñā” in jetōb. Ear kōnono kōn katak eo me Ear leļok ñan er.

Ke ānbwinned re mej, ad rej mour wōt. Jenaaj pād indeeo ilañ ak ilo jikin kijeek. Ewi tokjān m̄weiuk ak ājmour eļaññe jenaaj etal ñan jikin eñtaan ñe je mej?



*Jon 6:28,29 Innām re ba ñan E, “Ta eo kōmin jermal kake, bwe kōmin jerbale jermal ko an Anij?” Jisōs e uwaak im ba ñan er, “Men in jermal an Anij, bwe koṃwin lōke Eo Ear jilkintok.”*

Armej re kōṃaan kōṃman jermal bwe ren mour, ak ewi uwaak eo an Jisōs? Ren lōke E. Jermal ko ad re jab maroñ joļok ruōd im kōllaajrak kōj ñan Anij.

Ro im eṃōj an jedpānit paijin kiji er, raar aikuj kōṃman ta bwe ren mour? Raar aikuj reiļok ñan jedpānit kōba eo me Moses ear likūte ioon joor eo.



Ñe kwōj uwe ilo juon baluun, kwōj aikuj kōṃman ta bwe kwōn tōpar jikin eo im kwōj jibadek ie? Kwōj jijet wōt im lōke wa eo im ri kattōr eo (pilot eo) bwe ren bōk eok ñan jikin eo. Āindein ad aikuj lōke Jisōs. E wōt E maroñ lōmoṃoren kōj jān mej im kōṃman bwe jen eṃman iṃaan mejān Anij. Ejjeļok men je maroñ kōṃmane ñan kabuñbūruon Anij ak bwe En kōṃaan bōk kōj. Anij ej ba wōt bwe jen ilok jān ad lōke aolep men ko jet im lōke Jisōs wōt bwe En ad Ri Lōmoṃor.



*Jon 6:30,31 Innām re ba ñan E, “Innām ta kakōļle eo Kwōj kwaļok e, bwe kōmin lo, im tōmak Eok? Ta eo Kwōj jerbale? Ro jimṃad raar mōñā manna i āne jemaden; āinwōt ar je, Ear leļok ñan er pilawā jān lañ bwe ren mōñā.”*

Armej ro re jañin tōmak Jisōs. Raar kōṃaan lo bar juon men in kabwilōñlōñ. Raar lale men ko reļap me Jisōs ear kōṃmani bwe re limo. Raar jab roñjake ñan katak ko An im tōmak E.

Raar kakememej Jisōs kōn manna eo me ro jimṃaer raar mōñā ilo āne jemaden eo iumwin 40 year. Raar ba wōt bwe manna eo ear itok jān Moses, jab Anij.



*Jon 6:32,33 Innām Jisōs ej ba ñan er, “E ṃool, e ṃool, Ij ba ñan koṃ, E jab Moses eo ear lewōj ñan koṃ pilawā jān lañ; a Jema ej lewōj ñan koṃ pilawā e ṃool jān lañ. Bwe pilawā an Anij Eo ej itok jān lañ, im leļok mour ñan laļ.”*

Jisōs ear kōṃmeleļeik er bwe Jemān, jab Moses, ear leļok manna eo. Āinwōt Anij ear leļok manna ñan ro jimṃaer bwe ren jab mej, Anij kiiō ej leļok ñan er pilawā eo e ṃool jān lañ.

Jisōs ear kōnono kōn E make. E pilawā eo me Anij ear letok bwe ro ri laļ in ren jab mej im jepel jān Anij ñan indeeo.



*Jon 6:34 Innām re ba ñan E, “Irooj, iien otemjej, Kwōn letok pilawā in ñan kōm.”*

Armej ro raar ļōmṃak wōt kōn ṃool in mōñā ñan ānbwinnier. Raar kōṃaan bwe Jisōs en bar leļok kijer.



*Jon 6:35 Im Jisōs ej ba ñan er, “Ñā pilawā in mour; eo ej itok ñan Eō e jāmin kwōle; im*

*eo ej lōke Eō e jāmin maro indeeo.”*

Anij ear leļok manna jān lañ ñan ro ri Israel bwe En lōmoḡoren er bwe ren jab mej. Anij ear jilkintok Jisōs jān lañ bwe En lōmoḡoren ro ri jerḡwiwi jān mej indeeo. Eļaññe juon armej ej abwin mōñā, enaaj mej. Jabdewōt eo ej abwin lōke Jisōs bwe en an Ri Lōmoḡor enaaj pād wōt ilo an mej im enaaj jepel jān Anij ñan indeeo.

Ke Adam im Iv raar jerḡwiwi, raar jepel jān Anij. Meñe Anij ear kōmānman er ilo wāween wōt E bwe ren maroñ in jeļā, yokwe, im pokake E, raar oktak im jab maroñ pokake Anij. Raar iumwin Setan, im e jako aer kōmāmao ippān Anij. Kōn ad bōdañ Adam im Iv, jej aolep lotak ilo jerḡwiwi im jepel jān Anij.

Ñe kwōj mōñā, kwō mat iumwin jet awa. Bōtab kwōnaaj bar kwōle im bar aikuj mōñā. Ro rej lōke Jisōs, e jako aer aikuj. Re “mat” ilo mour in jetōb. Jisōs wōt e maroñ kōllaajrak kōj ñan Anij. E wōt e maroñ letok mour me e jab jako.

Ro rej lōke Jisōs, ejjeļok aer aikuj lōke jermal ko aer remman ak jabdewōt bar juon men ñan kowānōk er.

---

Kajjitōk ko:

1. Kwōjkwōj in kijoone ear kakememej ri Ju ro kōn ta?
2. Etke armej ro raar ļoor Jisōs?
3. Armej ro raar kōḡaan kōmānman bwe Jisōs en aer Kiiñ. Etke?
4. Etke Jisōs ear ba bwe armej rej aikuj mōñā Pilawā [Bread] jān lañ?
5. Ekkar ñan Jisōs, ta jermal eo jen kōmāmane bwe jen jerbale jermal ko an Anij?
6. Wōn ear leļok manna ñan ro ri Israel?
7. Etke je ban bar kwōle ñe jej mōñā Pilawā in Mour?